



201__ жылғы _____

Астана, Үкімет Үйі

«__» _____ 201__ года

№ _____

№ _____

№ _____ данасы

экз. № _____

**Қазақстан Республикасы
Парламенті Мәжілісінің
депутаттарына
(тізім бойынша)**

2019 жылғы 5 қыркүйектегі
№ ДС-120 депутаттық сауалға

Құрметті депутаттар!

Сіздердің Ақмола облысының Красный Яр кентіне көшіп келген тұрғындарды орналастыру бойынша проблемалық мәселелерге қатысты депутаттық сауалдарыңызды қарап, мынаны хабарлаймын.

Қазақстан Республикасы тәуелсіздік алған жылдан бастап этникалық қазақтардың елге ерікті түрде оралуын ынталандыру саясатын жүргізіп жатыр.

Қазіргі уақытта Қазақстан Республикасының көші-қон саласындағы қолданыстағы заңнамасы тарихи отанына оралуға ниет білдірген этникалық қазақтарға берілетін «оралман» мәртебесін алу негізінде мемлекеттік қолдау шараларын алуға мүмкіндік береді.

Қабылданып жатқан шаралардың нәтижесінде 1991 жылдан бастап 1,046 млн. (307 мың отбасы) этникалық қазақ тарихи отанына оралды және оралман мәртебесін алды, ол республика халқының жалпы санының 6 %-ін құрайды.

Қазақстан Республикасы Үкіметінің 2008 жылғы 2 желтоқсандағы № 1126 қаулысына сәйкес 2009 – 2011 жылдарға арналған «Нұрлы көш» бағдарламасы (бұдан әрі – Бағдарлама) іске асырылды.

Бағдарламаның мақсаты этникалық қазақтарды тарихи отанда ұтымды орналастыру және оларды жайластыру мен интеграциялауға жәрдемдесу болып табылады.

Бағдарлама 6 облыста (Ақмола, Ақтөбе, Шығыс Қазақстан, Маңғыстау, Солтүстік Қазақстан, Оңтүстік Қазақстан (қазіргі Түркістан облысы)) іске асырылды. Мониторинг нәтижелері бойынша осы облыстарда Бағдарлама бойынша 2604 үй мен 1016 пәтер салынды.

2010 жылы Көкшетау қаласының Красный Яр ауылының «Нұрлы көш» шағын ауданында (одан әрі – шағын аудан) 276 отбасы үшін 138 екі пәтерлі тұрғын үй салынды, олар пайдалануға берер алдында құрылыстың сапасы тұрғысынан міндетті мемлекеттік қабылдаудан өтті.

Сондай-ақ 2010 – 2011 жылдары сыртқы электрмен жабдықтайтын инженерлік желілер салынды, 2012 жылы үйлерге жөндеу жүргізілді, ал 2016 жылы 84 пәтер жылытылды.

Қазіргі уақытта шағын ауданда Монғолиядан, Қырғызстаннан, Өзбекстаннан, Ресейден, Қытайдан, Тәжікстаннан, Түрікменстаннан келген 274 отбасы отандасымыз (1057 адам) тұрады. Қазіргі уақытта олар Қазақстан Республикасының азаматтары болып табылады.

Үкімет 2009 – 2011 жылдары Бағдарламаға қатысушылар кейін қайтарады деген шартпен республикалық бюджеттен қаражат бөлгенін атап өту қажет. Бұл ретте жалға берілетін тұрғын үй «Қазақстан тұрғын үй құрылыс жинақ банкі» АҚ-ның депозиттік кредиттеу бағдарламасы арқылы тиімді шарттармен берілді, мұнда тұрғын үй құнының 50 %-і жинақталған кезде қатысушыларға жеңілдікті 5 % мөлшерлеме бойынша пәтер сатып алу мүмкіндігі берілді. Барлық тұрғын үй құрылыс жинақтары бойынша шарттар аталған бағдарламаның 215 қатысушысымен жасалды, оның ішінде 2 қатысушы ғана өз міндеттемелерін ерікті түрде орындап, тұрғын үйдің меншік иесі атанды, ал қалған қатысушылар жалға берілетін тұрғын үйде тұрып жатыр, олар шарттың талаптарын әлі орындаған жоқ.

Сонымен қатар жергілікті атқарушы орган шағын ауданды әлеуметтік-экономикалық дамыту бойынша жұмыс жүргізіп жатыр. Ұзақтығы 1,8 км болатын асфальт-бетонды жабыны бар жолды жөндеу жүргізілуде, 280 орынды балабақша салу жоспарланған және ол үшін тиісті құжаттама әзірленуде.

Бүгінгі күні шағын ауданында 1 мыңнан астам адам тұрады, оның ішінде 42 отбасы ағымдағы жылы 41 млн. теңгеге атаулы әлеуметтік көмек алды, тағы 35 отбасыға 1,8 млн. теңгеге материалдық көмек көрсетілді.

Сонымен қатар «Ауыл – Ел бесігі» жобасы шеңберінде 2020 – 2022 жылдарға Красный Яр ауылында (*Симферопольская көшесі, Бейбітшілік көшесі, «Новая котельная», Шакеев көшесі, Сейфуллин көшесі шекараларында*) сыртқы жылумен жабдықтау желілерін салу жобасын іске асыруға бюджеттік өтінім берілді.

Көрсетілген бағдарлама шеңберінде 2020 жылға республикалық бюджеттен Ақмола облысының Красный Яр ауылының әлеуметтік және инженерлік-көлік инфрақұрылым объектілерін күрделі және ағымдағы жөндеуге республикалық бюджеттен 854,3 млн. теңге бөлінді.

Бұдан басқа, Қазақстан Республикасы Ұлттық экономика министрлігінің жанынан Үйлестіру-қоғамдық кеңесі құрылып, оның құрамына Парламент Сенатының, Мәжілістің депутаттары, «Нұр Отан» партиясының және тиісті қоғамдық бірлестіктердің өкілдері кіреді. Осы кеңестің мақсаттарының бірі «Ауыл – Ел бесігі» бағдарламасын іске асыру барысын қоғамдық бақылау және оны тиімді іске асыру бойынша ұсыныстар әзірлеу болып табылады.

Осылайша орталық және жергілікті атқарушы органдар бұрынғы репатрианттарды тиісінше жайластыру мақсатында аталған шағын ауданның тыныс-тіршілігін жақсартуға және одан әрі экономикалық дамуына қажетті шаралар қабылдап жатыр.

Сонымен бірге сіздер көтерген мәселелерді жан-жақты қарастыру мақсатында Индустрия және инфрақұрылымдық даму министрлігіне мүдделі мемлекеттік

органдармен бірлесіп, көрсетілген фактілерге тиісті кешенді тексеру жүргізіп, оларға қағидаттық баға бере отырып, нәтижелері бойынша сіздерге тиісті ақпаратты ұсыну туралы тапсырма берілді.

А. Мамин

*Орынд.: Б.Б. Әлмадиев
тел.:75-00-25*